

Katoneoch

Lesen

- 1. Ewe Paipel a áiti ngenikich meinisin met mi lamot sipwe silei pwe sipwe tongeni féri mettóch meinisin Kot a mochen ach sipwe féri.**
- 2. Sia tapweno mwirin ewe Testamen Kraist me sise apachanong annuk seni ewe Testamen Nom.**
- 3. Ennetin anneasochis ina ach fori ennetin met Kot a apasa nge ese wor siwin.**

Lesen 4 - Ewe Mwuun Kot Ina ewe Mwichefel

Aseia 2:2-3

2 Iwe, lon fansoun sopolan, ewe chuk ia a nom ie imwenfelin ewe Samol mi Lapalap epwe fefeitä o nükünük, epwe pwal tekia seni chuk meinisin. Chon ekewe mwü won fanüfan repwe mwicheto ren. 3 Iwe, chomong aramas repwe feito o apasa, “Ousipwe feitä won chukun ewe Samol mi Lapalap ren imwenfelin än Israel we Kot. I epwe aiti ngenikich mine a mochen sipwe föri, pwe sipwe tongeni apwönüetä an kewe kapas.” Pun seni won Sion epwe towu ewe allük, nge seni lon Jerusalem än ewe Samol mi Lapalap kapas.

1. Epwe fis ineet?
 - A. Lon ewe popun
 - B. Lon ekkewe ränin lesopolan
2. Ewe chuk imwen iö epwe nükünüköch?
 - A. Ewe Samon's
 - B. Aisea's
3. Ewe alluk epwe feilo seni ia?
 - A. Saion
 - B. Petleem
4. Ewe kapasen ewe Samon epwe tou seni ia?
 - A. Jeriko
 - B. Jerusalem



**JERUSALEM eu telinimw
won ewe chuuk SION.**

**Imwen ewe Samon epwe
foruta non ekkewe ranin soponon. Ewe
kapasen Kot, ewe annuk epwe tou seni
Jerusalem me Saion.**

1. B 2. A 3. A 4. B

Taniel 2:28, 44

28 Nge mi wor eman Kot won läng a pwäri mine a monomon, a pwal pwäri ngonuk, en king Nepukatnesar, mine epwe fis me mürin. Iei usun om we tan me künaom, lupwen ka annut.

44 Iwe, lon fansoun mwün ekewe king, ewe Koten läng epwe aüetä eu mwü esap tongeni tala, esap pwal wor eu mwü epwe tongeni akufu. Iwe, ei mwü epwe ataela o arosala ekewe lusun mwü, nge epwe püsin nom tori feilfeilachök.

Lon Taniel 2:28-44, Taniel a awewei ewe tan King Nepukatnesar a kuna me weween.

1st Chon Papon

2nd Chon Persia

3rd Chon Kriis

4th Rom



5. Kot a affata ngeni ewe King met epwe fis ineet?

- A. Lon fansoun manauen Nepukatnesar .
- B. Fansoun Soponon

6. Itá ena mwü epwe taló?

- A. Ewer
- B. Aapw

7. Ifa ükükün fansoun ei mwü epwe nonom?

- A. Feinfeino
- B. Tori ewe king a mäla

Aisea me Taniel ra oesini usun ekkewe Ranin Soponon.
Aisea a apasa pwe imwen ewe Samol epwe kauta, me ikei lon Taniel, Kot a apasa pwe epwe forata eu Muu epwe nonnom tori feilfeilo chok.

Uruwo a pwarata pwe ewe **Chon Papon**
ra kkuf ren **Chon Persia**
ra kuf ren chon **Kriis**
ra kuf ren ekkewe chon **Rom**.

5. B 6. B 7. A

Markus 9:1

Iwe, Jesus a pwal apasa, “Üpwe ürenikemi, pwe mi wor ekoch aramas ikkei resap mäla, pwe repwe mwo küna Mwün Kot epwe war fän manaman.”

8. Jises a apasa pwe ekkoch leir resap malo tori met?
 - A. Ewe muun Kot a war.
 - B. Ekkewe chon Rom ra kkuf.
9. Ewe muu epwe feito ren met?
 - A. Eú paratis
 - B. Pechokunan



Nupwen Kraist a afalafal won fonufan, A ereni aramas pwe ekkoch me neir repwe chuen manau nupwen ewe Muun Kot epwe feito ren manaman. Pokiten sia silei pwe Jises a kapas enlet fansoun meinisin, sia pwal silei pwe ewe Muu a feito lon ewe aewin senturi lupwen ekkoch me lein ekkena aramas ra chuen manau.

Kolose 1:13

A angasakich seni fän nemenien ro chopwak o atolongakich lon mwün Nöün we mi achengicheng.

10. Ra ngaselo seni met?

- A. Pochokunen ro chopwak
- B. Muun Kraist

11. Ra mwékút ngeni met?

- A. Pochokunen Rochopwak
- B. Muun Kraist



Sia sinei pwe an Kraist oesini a pwonueta pun ren an ekkei aramas repwe nom non muun Kraist, ewe muu epwe nom. Ewe kapas eisiei, inet a feito?

10. A 11. B

Föför 1: 6-9

6 Ei Pworausen Manau a akatoto feiöch, a chöfetal won unusen fanüfan usun a fen fis lefilemi, seni ewe rän oua kārān popuetā le rongorong o weweöchiti ān Kot ümöümöch mi wesewesen enlet. 7 Oua rongorong usun ān Kot ümöümöch seni Epafras chienach we chon angang mi achengicheng, i nöün Kraist chon angang mi allükülük fānāsengesimi. 8 Epafras a pwal asile ngenikem usun ewe chen ewe Ngünmifel a fang ngenikemi. 9 Iei popun, seni ewe rän aia rongorong usumi, aisap ükütiu le iotek fān itemi. Aia tüngor ngeni Kot pwe epwe aurakemi ren tufichin silei letipan me unusen mirit me weweöchiti ekewe mettoch lon pekin ngün.

12. Ekkewe aposel ra eis ika Jises epwe aliwinato met?
A. Ewe Mwichen Sounfiu
B. Ewe Mwu
13. Seni an ekkewe aposel kapas eis, ewe muu a fen fen fis lon ena fansoun?
A. Ewer
B. Aapw
14. Itá Jesus a fen feitá láng me mwen warotoon ewe mwú?
A. Ewer
B. Aapw



12. B 13. B 14. A

40 ran mwirin an manausefan seni mano, Jises a feita nang. Ewe Muun Kot esaamwo war.

Föför 2:5-6a; 16-17a; 30-33;

5 A wor chon Juta mi niuokusiti Kot, ra nom lon Jerusalem, ra feito seni ekewe fanü meinisín won fanüfan. 6 Lupwen ra rong ei ngüngü, eu mwichen aramas mi chomong ra chufengen. Ir meinisín ra rükö, pun eman me eman leir a rong än ekewe chon lükü kapas lon en me kapasen fanüan.

16 Nge iei usun met ewe soufos Sowel a kapas usun: 17 ‘Kot a apasa: Iei usun met üpwe föri lon ekewe ränin sopolan. Ngang üpwe tinato Ngüni won aramas meinisín. Nöümi mwän me fefin repwe osuni, nöümi alüal epwe wor künaer, ekewe chinlap mwän me leimi repwe soutatan.

30 I eman soufos a silei met Kot a eäni pwon ngeni: Kot a pwon fän akapel pwe epwe awora eman mwirimwirin Tafit pwe epwe king, usun chök Tafit. 31 Tafit a küna met Kot epwe föri lon ekewe fansoun repwe feito, iei mine a kapas usun manausefälin ewe Kraist lupwen a apasa, ‘Esap likilik lon lenien ekewe mi mäla, inisín esap mach lon peiasan.’ 32 Iwe, Kot a amanauasefäli ätei Jesus seni mäla, nge äm meinisín aia chon pwärätä pwe a wesewesen fis ei. 33 Jesus a tekiatä o nom lepelifichin Kot Saman we, a angei seni Kot ewe Ngünmifel, usun a fen pwon ngeni. Iwe, met oua küna iei o rongorong, iei an we lifang a tinatiu woch.

15. Ra nóm lón menni telinimw?

- A. Jeriko
- B. Jerusalem

16. Sowel a affata pwe ekkena ran ir met sokkun ran?


- A. Ekkewe ranin soponon
- B. Ran mi nap

17. vs 30 Kraist a mwot won An we met?

- A. An we leenien motun king
- B. Eú faú

18. vs 33 Ia Kraist a nom ie iei?

- A. Lon lang
- B. Won fonufan



Ewe muu ese nom ikei non Fofor 1, nge non Fofor 2, a affata ei fansoun pwe poputan ekkewe Ranin Soponon nupwen Kot a apasa pwe epwe aueta An we muu, me Kraist ewe king a mwot iei won peliefichin Kot non 1.1. An we leenien motun king mi pwarata pwe A fen mmonleta le nemeni An we muu.

15. B 16. A 17. A 18. A

Föför 2:36-38, 41, 47

36 Iei mine ekewe chon Israel meinisín repwe fokun silei, pwe átei Jesus ámi oua irápengesi, i áteuwe Kot a seikätä pwe epwe Samol me Kraist!” 37 Lupwen ekewe aramas ra rongorong ekei kapas, a el letiper o ra aisini Petrus me ekewe ekoch soukünö, “Ámi pwiich kana, met ám aipwe föri.” 38 Petrus a pölüeniir, “Ámi meinisín oupwe aier seni ámi tipis kana o papatais ngeni iten Jesus Kraist, pwe ámi tipis kana repwe musala. Iwe, oupwe angei an Kot we lifang, ewe Ngünmifel.

41 Iwe, chomong me leir ra lükü an afalafal o ra papatais. Lon ewe rän ina epwe ükükün ülüngat ngeröü aramas ra pach ngeni ewe mwichen chon lükü Jesus.

47 Ra mwareiti Kot, ra pwal küna chen me ren ekewe aramas meinisín. Iwe, iteiten rän ewe Samol a apacha ngeni ar we mwich aramas mi küna manau.

19. Met ra eisini?

- A. Pwata ka afalafala Jesus?
- B. Met sipwe föri?

20. Met Petrus a pélúweni?

- A. Oupwe aier me papatais
- B. Nuku me iotek

21. Met ekkena aramas ra féri?

- A. A anini
- B. Ra papatais

22. Met ra kapachelong ngeni?

- A. Ewe mwichefel
- B. Ekkewe chon Rom

23. Iö a apacha ngeniir?

- A. Piter
- B. Samwon

24. Ewe mwichefel a fen nomiei seni ewe fansoun ekkena aramas ra kapachelong lon?

- A. Ewer
- B. Aapw



19. B 20. A 21. B

22. A 23. B 24. A

Non Fofor 2, Kot a apacha ngeni ewe mwichefen ekkewe ra kuna amanau. Iei ewe aewin leeni lon ewe Paipel a mak ussun ewe mwichefel pwe a nom. Ewe mwichefen a poputa ikei, nge ifa usun ewe muu?

Ewe Mwichefen ina ewe muu. Iei ekkoch napanap sia tongeni sinei pwe mi ennet ei.

1 Timoty 3:15

Nge are üpwe mang, ei toropwe epwe afata ngonuk usun ach föfö lein chon ewe familien Kot,iei än Kot, ewe mi manau we mwichefel, ewe ürelap me longolongun ewe let.

Mateus 16:18-19

18 Iei mine üpwe ürenuk Petrus: En eu achau. Iwe, ei achau iei ewe longolong üpwe aüetä ai mwichefel won, nge mäla esap mwo nge tongeni aku fu. 19 Ngang üpwe ngonuk ekewe kien Mwün Läng. Mine en kopwe pinei won fanüfan epwe pinepin lon läng, nge mine en kopwe mwütätä won fanüfan epwe pwal mwümwütä lon läng.

Ewe Mwichefen ina ewe imwen Kot. Kot a apasa non Aisea pwe epwe aueta imwan we non ekkewe ranin soponon, me non Daniel a apasa pwe epwe aueta an we muu non ei chok fansoun.

25. Ié kewe ra fös lón ewe wokisin lón Mateus?

- A. Jises
- B. Paul

26. Ion epwe aueta An mwichefen?

- A. Jises
- B. Piter

27. Met Jesus epwele ngeni Petrus?

- A. Kii ngeni ewe muu
- B. Eú leenien motun king



25. A 26. A 27. A

Jises a apasa pwe epwe aueta An mwichefen, me pwan ngeni Peter ekkewe kien ewe muu.

Sia aea ekkewe kii pwe sipwe tonong non mettoch. Non Fofor 2, Peter ewe emon epwe ereni ekkewe aramas ifa usun ar repwe tonong non ewe mwichefen. Iei ew aan sia tongeni kuna pwe ewe mwichefen me ewe muu ir ew chok mettoch.

Ikei ekkoch pwan nenien appiru ren ririfengennin ewe mwichefen usun ewe muu.



Mateus 25:1

Lon ewe fansoun Mwün Läng epwe wewe ngeni engol föpwül mi angei nöür kewe lamp o feila souni ewe mwän apwüpwülü söfö.

Non an awewei ewe muu, Kraist a awewe ngeni emon mwan apupulu me ewe mwichefen a iteni ewe fin apupulu noun Kraist.

2 Korint 11:2

Üa lukomong womi, usun chök Kot a lukomong womi. Ämi oua wewe ngeni eman föpwül mi limelimöch, üa pwon pwe epwe pwülüeni eman chök mwän, iei i Kraist.

Johannes 3:5

Iwe, Jesus a üreni, “Enlet, üpwe wesewesen ürenuk: Esap wor eman a tongeni tolong lon Mwün Kot are esap up ren koluk me Ngün.

Papatais ina nupwen sia uputiw sefan pwe sipwe tonong non ewe muu me ren Kot epwe apachanong non ewe mwichefen.



Föför 2:41, 47

41 Iwe, chomong me leir ra lükü an afalafal o ra papatais. Lon ewe rän ina epwe ükükün ülüngat ngeröü aramas ra pach ngeni ewe mwichen chon lükü Jesus.

47 Ra mwareiti Kot, ra pwal küna chen me ren ekewe aramas meinisin. Iwe, iteiten rän ewe Samol a apacha ngeni ar we mwich aramas mi küna manau.

Kot a pwonei eu muu epwe nonnom tori feilfeilo chok. Ekkena oesini ra pwonuta lon Jerusalem lon ewe chok ier Jises a malo lupwen ewe mwichefel a poputa. Muun Kot ina ewe mwichefel Jises a aueta.

Ekkewe Osini seni ewe Mwichefen mi Riri ngeni Ar Pwonueta

Ekkewe Oesini:

Aseia 2:2-3 Ekkewe Ranin Soponon Samol mi Lapalap- Imwen Kot Jerusalem, ewe Chukun Saion	Sowel 2:28-32 tinato Ngüni Kopwe tinato Ngüni Jerusalem, ewe Chukun Saion	Daniel 2:28-33, 36-40, 44 Ekkewe Ranin Soponon - Rom Poputa Eu Muu Jerusalem, ewe Chukun Saion	Mark 9:1 Muu lon fansoun manauer	Matthew 16:18-19 Aueta Ai Mwichefen Piter - ki ngeni ewe Muu Mwichefen = Muu
--	--	--	--	---

Ekkewe Oesini ra pwonueta:

Föfö 2:2-4 ”Iwe, a müttir fis eu ngüngü seni läng mi wewe ngeni ngüngün asepwäl mi pöchökül, a aurala unusen ewe imw ia we ra motfengen ie. 3 Mürin ra küna chön mongö usun ekkei mi parasfeil, a feitiu won eman me eman ekewe aramas mi nom ikenan. 4 Iwe, ir meinsin ra **URELA REN NGÜNMIFEL** o ra popuetä le kapas lon kapasen ekis usun Ngünmifel a amwelielie.“

Föfö 2:16-17a ”Nge iei usun met ewe soufos Sowel a kapas usun: 17 ‘Kot a apasa: Iei usun met üpwe föri lon ekewe **RÄNNIN SOPOLAN**. **NGANG ÜPWE TINATO NGÜNI** . . .

Föfö 2:14 ”Mürin Petrus a ütä fiti ekewe engol me eman soukünü o a popuetä le kapas leüömong ngeni ewe mwichen aramas, “Ämi pwii kana chon Juta me ämi meinsin mi imweimw lon **JERUSALEM**, oupwe aüselingaei o mwüt ngeniei ai üpwe awewe ngenikemi wewen ei lapalap.“

Föfö 2:38, 41, 47 ”**PETRUS** a pölüeniir, “Ämi meinsin oupwe aier seni ämi tipis kana o papatais ngeni iten Jesus Kraist, pwe ämi tipis kana repwe musala. Iwe, oupwe angei an Kot we lifang, ewe Ngünmifel.

41 Iwe, chomong me leir ra lükü an afalafal o ra papatais. Lon ewe rän ina epwe ükükün ülüngat ngeröü aramas ra pach ngeni ewe mwichen chon lükü Jesus. Ra mwareiti Kot, ra pwäl küna chen me ren ekewe aramas meinsin. Iwe, iteiten rän ewe **SAMOL A APACHA NGENI AR WE MWICH** aramas mi küna manau.“

(Peter a ereni ekkewe aramas met mi namwot repwe fori pwe repwe kapacheta ngeni ewe muu, ewe Mwichefenin ewe Samon.)

Kot a pwonei eu Muu epwe feito lon fansoun ekkewe chon Rom epwe nonnom tori feilfeilo chok. A fis usun met A apasa.

Ewe mwichefel Kraist a aueta minne ina ewe Muun Kot a poputa lon Jerusalem, 50 ran mwirin an Kraist manausefallita (33AD).

Ena Muu, ewe Mwichefen mi nom ren Kraist, a nom ikenai.

Kot a pwonei eu muu epwe nonnom tori feilfeilo chok. Ekkena oesini ra pwonuta lon Jerusalem lon ewe chok ier Jises a malo lupwen ewe mwichefel a poputa. Muun Kot ina ewe mwichefel Jises a aueta.